

বাচ্ছাগিলদর জনো বাইবেল
উপস্থিত

মানব জাতির দুঃখ
আরম্ভ



কায় নেথিসে: Edward Hughes
ব্যখ্যা করিচে: Byron Unger; Lazarus

ভাষা পাটে দিসে: রমেস রায়
উদাহরন দিয়া বুঝাইসে: M. Maillot; Tammy S.

৬০টি গল্পগিলার মধ্যে ২ টা

www.M1914.org

Bible for Children, PO Box 3, Winnipeg, MB R3C 2G1 Canada

অনুবোতি: এ গল্পটার একখান কপি তোরঠে রাখির পারিস বা
ছাপাকোরা পারিস, কিন্তু বেচেবার পারিস না।

রাজবংশি


Rajbanshi

ঈশ্বর তামান সৃজন করিলেক। যেলা
পথম মানষি আদমক বানাইল সেলা উয়ার
শাখি হবাক নিয়া এদন বাগানোতে থাকির
নাগিল। ভগবানের ইচ্ছাতে উমুরা দুইজনে
সুখি ছিলেক। আর উমুরালা
যেলা আনন্দে ছিলেক
সেলা একদিনোত ...




1

শয়তান একদিন
হবাক পুছির নাগিল,
“ঈশ্বর কি তোমরালোক
তামান গাছের ফলগিলা
খাবার বাধা দিচে?”
উয়ার সেলা উওর
করিলেক জে, “হামরা
তামান গাছের ফল
খাবার পারি কিন্তু
একমাত্র গাছের ফল
খাবার পারি না”।



2




যদি আমরা খাই
অথবা হাত দিয়া নারি
তাহলে মরিয়া জামু।
শয়তান সেলা বাইরের
ঢকখান দেখেয়া কইলেক,
“কুনোদিনোত মোরিবো না”।
তোমরাদা ঈশ্বরের নাখান
হইবেন। সেলা হবা ঐ
গাছটার ফলটা খাবার তানে
রাজি হইলেক। উয়ায়সেলা
শয়তানের কতাতে খায়া
নিলেক।

3




ভগবানের কতা না শুনিয়া হবা
আদমোক খাবার কইলেক। আদমোর
এই কতা কবার উচিত আছিল যে,
“মুই ভগবানের অবাধ্য হইম না”।
কিন্তুক আদমো হবার
কতা শুনিয়া ফল
খাইয়া নিলেক।

4




আদম আর
হবা অবাধ্য হয় যেলা
পাপ করিলেক সেলা উমুরা বুম্বির পাইলেক
জে উমুরা নেংটা আছে। সেলা দুইজনে ডুমুর গাছর
ছাল আর পাতারি দিয়া ঘামড়া বানেয়া পিন্দিলেক আর
ভগবান যেলা আসিলেক সেলা ঝোপের আড়ালোত নুকাইল।

5




ঈশ্বর অন্য দিনের মতন সেদিন যেলা আসিলেক, উয়ায়
সেলা যানে যে আদম আর হবা কি করিছে। আদম
হবাক দুসিচে। হবা শয়তানোত (সাপত) দুসেছে।
ভগবান কইলেক, শয়তানোক অভিশাপ দিনু।
বেঠি ছাওয়া যেলা বাচ্ছা দিবে সেলা খুব কষ্ট
পাবে। “আদম, তোর পাপের জন্য মাটিখান
অভিশাপ পাইলেক এজন্য মাটিত কাটা
গাছ হবে। দেহার ঘাম ফেলেয়া আর
দারুন কষ্ট করিয়া
দিনের খাবার
যোগাবু”।

6



আদম আর হবাক ঈশ্বর
এদন বাগান থাকেয়া বাইরোত
পেঠালেক। কারন উমুরা পাপ
করিছে, তাই উমুরা
জেন্ত-ভগবানের
থাকি আলাদা
হইসে।

7



উমারলাক বাইরোত
রাখিবার জন্য ঈশ্বর একখান নাল
টকটকা ছোড়া বানাইছে। ঈশ্বর
আদম আর হবার জন্য চামরার
কোঠ-জামা বানাইছে।
ভগবান কোঠে
থেকে চামরা
আনিসে?


8

এই সময় আদম ও হবার সংসার হইলেক। উমার ১-লা বেটা কয়িন মালি আছিলেক। ২-রা বেটা আবেল মেষ পালোক। একদিন কয়িন অল্প শাক-সবজি দান মনে করিয়া নিয়া আসিছে। আবেল একটা বাছা ভেরা নিয়া আসিছে। ঈশ্বর আবেলের দানেত খুশী হইছে।



9

ঈশ্বর কয়িনের দানে খুশী ছিলেক না। কয়িন বড় গোসা হইছে কিন্তু ঈশ্বর কইলেক যেটা ভাল সেইটা তুই যদি করিস তাহলে কি তোর দান নেওয়া হত না?



10

কয়িন বড় গোসা হয়া চলি গেইলেক। অল্প সময় পাছত কয়িন মাঠেত আবেললোক মারি ফেলাইসে।



11

ভগবান কয়িনের নগদ কথা কইলেক। “তোর ভাই আবেল কোঠেকোনা?” কয়িন মিছাকথা কইলেক, “মুই জানো না”। মুইকি মোর ভাইয়ের পহরা দিবার খরিশু? ঈশ্বর কয়িনোক দন্ড দিলেক তাতে উয়ায় কাজ করির শক্তি হারেয়া ভেলিয়া হইলেক।



12

কয়িন ভগবানের ঠে থাকি দূরন্তর চলি গেলেক। উয়ার আদম-হবার বেটিটাক বিয়াও করিল। উমুরা একটা শংসার পাতিছে। তরিত দেখিল যে কায়েনোর নাতিপুতি দিয়া শহরটা ভর্তি হইলেক।



13

এইসময় আদম আর হবার গোস্টি খুব বাড়িবার নাগছে। এ-দিন গিলাক মানিষলা অনেকলা বছর বাঁচিয়া থাকিল।




14

যেলা হবার বেটা শ্বেত জন্মিলেক, হবা কইলেক,
“ঈশ্বর আবেলের ঐঠে শ্বেতকে দিলেক।” শ্বেত
ঈশ্বরিক লোক আছিলেক তাই ও ৯১২ বছর
বাছিলেক আর উয়ার অনেকগুলা বেটা-বেটি
হইছিলেক।




15

এই দুনিয়াত মানষি যেলা বাড়ির নাগিল সেলা
খারাপ হবার ও নাগিল আর এক বংশ থাকিয়া
অন্য বংশ হইলেক। তামান জন্তু-জানোয়ার
আর পথিগিলা। ঈশ্বর মানষি সৃজন
করিয়া খুবেই দুঃখ পাইলেক। কিন্তু
এক মানষি ঈশ্বরোত
খুশী করিসে।




16

ঐ মানষিটা ছিলেক নুহু। শ্বেতের
বংশধর নুহু আছিলেক খুব ধার্মিক
আর ন্যায় পরায়ন। উয়ায় ভগবানের
সাথোত সব সময় ছিলেক।



17

উয়ায় উয়ার তিনটা বেটাকে ভগবানের
বাধ্য হবার শিখা দিসে। সেজ্যন্য ঈশ্বর
নুহুক বিশেষ পোরিকল্পনা করিয়া
বলশালি করিয়া বিশেষ একটা
সময়ের জন্য ব্যবহার
করিবার চাইছিল।



18

মানব জাতির দুঃখ আরম্ভ

ভগবানোর গল্পগিলা হামরা বাইবেলোত দিখিবার পাই

আদিপুস্তক ৩-৬

“ভগবানোর কতা জ্যোতী আনে।”

গীতসংহিতা ১১৯:১৩০

ভগবান জানে যে হামরা সব সময় খারাপ কাজ
করি আর উয়ায় ইয়াক পাপ কইচে। পাপের বেতন মরন।

কিন্তু উয়ায় হামারলাই এমন ভালবাসিলেক যে উয়ার একমাত্র
বেটাক- (যীশুক) এই দুনিয়াত পাঠেয়া দিচে যেন উয়ায় হামার আর
তোর পাপের যাদে ফুশত শাসিত পাই আর মরে। কিন্তুক যীশু আবার
জিবিভ হইলেক আর স্বর্গত, তার আসল বাড়িত চলি গেইলেক! এলা
ভগবান হামার পাপ ক্ষমা করির পাই।

যদি তুই নিজের পাপের ঘটা থাকি
ফিরিবার চাইস তাহলে ঈশ্বরক তুই কবার পারিস।

প্রিয় ভগবান, মুই বিশ্বাস কর যে যীশু মোর পাপের যাদে মরিচে আর
আবার ফিরিয়া আসিচে। দয়া করিয়া মোর জিবনোত আসিয়া মোর পাপ
ক্ষমা করে দিস যাতে মুই নতুন জিবন পাই, আর এক দিন তোরে
জাবার পারি চিরকালের দিনোত। মক সাহায্য কর যাদে মুই তোরে বাধ্য
হয় আর তোরে বেটা হিসাবে বাচিবার পাও। আমেন।

প্রতিদিন বাইবেল পর আর উয়াক সথে কতা কও!